
Cynulliad Cenedlaethol Cymru

Y Pwyllgor Iechyd, Gofal Cymdeithasol a Chwaraeon

National Assembly for Wales

Health, Social Care and Sport Committee

Vaughan Gething AS
Y Gweinidog Iechyd a Gwasanaethau Cymdeithasol
Llywodraeth Cymru

10 Awst 2020


Annwyl Weinidog,

Byddwch yn cofio imi ysgrifennu atoch ym mis Chwefror i ofyn am gopi llawn, heb ei olygu o'r adroddiad a luniwyd gan Mr Robin Holden yn ymwneud â'r Uned Hergest yng ngogledd Cymru. Yn eich ymateb, gwnaethoch nodi mai'r ddogfen gryno bedair tudalen oedd yr unig adroddiad, a bod defnyddio'r term 'adroddiad llawn' mewn gohebiaeth gan Simon Dean yn cwmpasu'r adroddiad cryno ynghyd â'r datganiadau personol a gofnodwyd fel rhan o'r ymchwiliad, a oedd yn cael eu dal yn ôl oherwydd natur gyfrinachol y wybodaeth yr oeddent yn ei chynnwys. Fodd bynnag, mae dyfarniad y Comisiynydd Gwybodaeth y dylai'r Bwrdd Iechyd "ddatgelu copi llawn o'r adroddiad gyda dim ond enwau unigolion sy'n destun yr achwyniadau wedi'u golygu", ynghyd ag adroddiadau diweddar yn y cyfryngau a oedd yn cyfeirio at ddogfen 14 tudalen, yn awgrymu bod dogfen lawnach a manylach ar gael.

Yn sgil y datblygiadau newydd hyn, byddwn yn ddiolchgar pe gallech roi diweddariad arall ar y sefyllfa mewn perthynas â'r ddogfen hon.

Edrychaf ymlaen at glywed gennych yn fuan.

Yn gywir



Dr Dai Lloyd AS

Cadeirydd y Pwyllgor Iechyd, Gofal Cymdeithasol a Chwaraeon

